



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Ipreensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. I. Quis sit sensus obvius in lansenio damnatus hujus Periodi.

**urn:nbn:de:hbz:466:1-39351**

## C A P U T III.

*De secundâ parte propositionis Quintæ  
Iansenianæ : Christus pro salute  
dumtaxat prædestinatorum mor-  
tuus est.*

## S E C T I O P R I M A.

*Quis sit sensus obvius in Iansenio dam-  
natus hujus periodi ?*

**Q**ui Jansenium ab omni erroris fœce illimem, Apostolicæ Sedis scita fœdando, reddere nuntur, hi sensum comminiscuntur verè dignum fulmine, sed in Calvinio aut Luthero, non Jansenio repertum, de quo dicunt: *Qui quintæ propositiōni maligne affingi posset, quem legitimè sumptæ non habet.* Est autem hic: *Christus mortuus est tantummodo pro Prædestinatis, ità ut iij soli per meritum mortis Christi veram fidem ac Justitiam accipiant.* Ità habet brevissima quinque propositionum in varios sensus distinctio exhibita Innocentio Papæ X. anno 1653. Et quia omnes gratiæ, quæ hominibus, etiam reprobis, ad credendum & piè vivendum à Deo dantur, ad Dei providentiam, non ad Christi passionemjuxta Calvinistas referuntur, Authores dictorum sensuum, propositioni quintæ sic expositæ hanc notam incurunt: *Hæc propositio est hæretica, Calviniana, aut Lutherana, & à Concilio Tridentino damnata.* Si quidem, ut testantur Vindiciæ Arnaldinæ de Grat. sufficienti sect. 3.art. 6.pag. 547:

Thesis Calvinistarum anno 1653. Tiguri defensa quadragesima ità habet: *Gratiæ illæ transi-*

**G g s** *toriaæ,*

## 474 LIBER SEXTUS

*toriae, quas vocant, providentiae Divinae, non mortis Christi sunt effecta. Itaque Jansenij Defensores duo afferunt, & quod hic sensus non sit legitimus sed malignè affectus, & quod in illo affecto sensu propositio sit hæretica, non Janseniana, sed Calvinistica aut Lutherana.*

Sunt etiam alij, qui hunc sensum non sicutè, sed verè è Libro Jansenij exsculptum volunt: Christus pro solis Prædestinatis mortuus est. Nequè vanis argumentis id evictum donant, eò quod Jansenius temporalem reproborum Justitiam ita extenuet, ut non pro illa, sed pro solis electis mortuum afferat, exerte dicens ab Augustino non prædestinatos à morte Christi excludi, nullumque Justum morte Christi redemptum censeri, quem perire contigerit.

Sed quamquam hic sensus Calvinianam redolens luem è Jansenii Libro elici posset, adeoque verè damnabilis esset propositio huic interpretationi subjecta; non reor eisdem Romanæ Sedis Antistites novitiae hæreseos damnatores eò oculos intendisse; primò, quia non ut Calvinianam aut Lutheranam in Concilio Tridentino fulguritam, sed ut noviter ortam & à Cornelio Jansenio procusam perstrinxere; Secundò, quia hic sensus non ita obvius est, nec incurrit in oculos legentium Jansenianum volumen, ob apparteniores Antilogias, majorique studio exsculpendum venit, prout ex sequentibus enitefecit.

Automo ergo sensum naturalem ac obvium, eumque Jansenianum à Sede Apostolicâ damnatum, hunc esse: *Christus pro salute solorum prædestinatorum mortuus est.* Ita scilicet, ut ly illud dumtaxat afficiat Prædestinatos ac proinde indicetur, quod pro nullius reprobri salute Christus sit mortuus, quidquid demum sit de aliis temporibus gratiæ beneficiis ipsis reprobis collatis.

Ita

## DE PROPOSITIONE V. 479

Ità quintam propositionem intellexit, & ut hæreticam repudiavit Arnaldus in Epistolâ suâ ad Illustrissimum & Reverendissimum Henricum Arnaldum Andegavensum Episcopum Fratrem suum, quam consignant nobis vindiciæ Arnaldiæ pag. 639. nam pag. 643. ad propositionem quintam Arnaldus sensum suum pandit his verbis : *Non est Semi-Pelagianum dicere Christum pro omnibus omnino mortuum. Afferere verò pro salute dumtaxat Prædestinatorum Christum Sanguinem fudisse, reverà hæreticum est, quia licet solis electis efficaci & absolutâ voluntate morte suâ promerèri voluerit, pro quibusdam tamen reprobis Sanguinem suum fudit, iisque promeruit gratias, quibus ad salutem æternam pervenire possent.*

Ecce Magnus ille Arnaldus, licet circà factum Jansenii, an scilicet quinque prōpositiones sint in Jansenio, hæsitaverit, dixeritque ad fidem non pertinere, euidem talem sensum dixit hæreticum, quem reverà Jansenius in libro suo exprimit. Cur enim hæreticam dicit quintam propositionem ? An quia sensus est : Christus pro solis Prædestinatis mortuus est, ità ut iij soli per meritum Christi veram fidem ac justitiam accipient? An quia excludit reprobos ab omni effectu mortis Christi ? neutquam. Cur ergò ? Quià indicat propositio, quod Christus pro solis electis promeruerit gratiam, per quam ad salutem seu vitam æternam venire possent. Censet ergò Arnaldus Catholicum prorsùs ac fide tenendum, reprobos aliquos per Christi merita gratiasque exinde manantes Salvati posse ; etsi soli electi ad salutem perveniant ; ergò censet Hæreticum afferere, quod justi non prædestinati Salvati non possint. Et hoc est, quod docet Jansenius, & hoc in Jansenio jure damnat orbis Catholicus.

Ne-

## 476 LIBER SEXTUS

Nequè hujusmodi. interpretatio à naturali verborum significatu deviat : v. g. de Sancto Paulino propriissimè dicitur, quod pro Redemptione dumtaxat unici filij viduæ captivi Patriâ sua excesserit , licet alia illic agere meditaretur , quia nimis pro solo filio isto redimendo se vadem dare intenderit. Sic ergò si Redemptor dicatur pro salute dumtaxat electorum Sanguinem fudisse, rectè colligitur quod pro solorum electorum salute pretium Sanguinis dederit, quamquam pro reprobis ad alias fines eundem Sanguinem fudisse etiam rectè dici posset.

## SECTIO II.

*Præfatæ propositionis Quintæ periodus  
quoad obvium istum sensum è Libro  
Cornelii Lansenii excerpta Titaniæ luce  
clarius enitescit.*

*L.3. de gra.  
Christi c. 21.  
pag. 390.* *pag. 389.* **P**robatur primò : quia si Jansenius censuisset Christum pro salute aliquorum reproborum v. g. justorum temporalium mortuum esse ratione gratiarum , quibus salvati possent ; nullò modò potuisset oblationem Christi , sicut orationem pro liberatione reproborum , prorsùs negare , ipsosque damnatis spiritibus componere ; hoc tamen exerte facit , his verbis : *Ex quo factum est ut juxta Sæcissimum Doctorem non magis Patrem pro æterna liberatione ipsorum ( non perseverantium ) quam pro diaboli deprecatus fuerit.* Et id declarat à simili , quia juxta S. Augustinum , si Ecclesia nosset , qui sint prædestinati in ignem æternum ire cum diabolo , tam pro eis non oraret , quam nec pro ipso diabolo . Hinc concludit Christum non plus Patrem orasse pro æternâ libera-